



## Vijeće za konkurentnost

Broj: 02-02-895-1/14-XX

Jablanica, 22.11.2017. godine

### Izvod iz zapisnika sa XX sjednice Vijeća za konkurentnost općine Jablanica održane dana 22.11.2017. godine sa početkom u 14:00 sati

**Prisutni:** Salem Dedić – Općinski načelnik, Dženan Mulahasanović – zamjenik predsjednika VZK, Mate Mijić predsjedavajući OV-a, Jasminka Omanović – predstavnik LER-a, Admir Đelmo – Savez poljoprivrednih udruženja Jablanica, Amil Babić – „Babić“ d.o.o. Jablanica, Jusuf Džafić - „Voćepromet“ d.o.o. Jablanica, Edin Budim – „Labrador“ d.o.o. Jablanica, Senad Kovačević – Restoran „Kovačević“, Ivan Zelanika – predstavnik JP EP HZHB - Radna jedinica Jablanica, Ramiz Zahirović - predstavnik JP EP BiH HE n/N i Emir Muratović – predstavnik Biro rada Jablanica.

**Odsutni:** Ragib Mehmedagić – predsjednik VZK-a Jablanica, Jasmina Hindić – AC Sunce d.o.o. Jablanica, Amel Mandžuka – preduzeće „Granitmont“ d.d. Jablanica.

Zamjenik predsjednika VZK-a, Dženan Mulahasanović je pozdravio prisutne, utvrdio da postoji kvorum za rad VZK-a i predložio dnevni red:

1. Izvod iz zapisnika sa XVIII sjednice VZK-a
2. Konsultacije sa privrednim sektorom oko određivanja privredne zone radi izrade regulacionog plana
3. Lokalni akcioni plan zapošljavanja u Općini Jablanica 2017-2020 – Rasprava
- 4.a. Budžet Općine Jablanica za 2018. godinu – Nacrt
- 4.b. Operativni plan implementacije Integralne strategije razvoja općine Jablanica za 2018. godinu sa programom realizacije kapitalnih investicija
5. Parafiskalne naknade – prijedlozi i preporuke za smanjenje ili ukidanje – fokus grupa

Predloženi dnevni red usvojen jednoglasno.

#### Ad. 1. Izvod iz zapisnika sa XVIII sjednice VZK-a

Jednoglasno usvojen, nije bilo primjedbi.

#### Ad.2. Konsultacije sa privrednim sektorom oko određivanja privredne zone radi izrade regulacionog plana

Uvodnu riječ ispred Službe za upravu za prostorno uređenje, građenje, zaštitu okoline i stambeno – komunalne poslove dala je Amira Nuhić, pomoćnik načelnika.



**JABLANICA**  
LJEPOTA ZAPISANA U KAMENU



Amil Babić je istakao da Upravni odbor Udruženja privrednika Jablanica nije održao sasatanak, te da nisu zauzeli stav o istom.

Predlaže da se obrati pažnja na lokalitet Čeharsko polje. Obzirom da već postoji industrijska zona Šljunkara, sa izgrađenom potrebnom infrastrukturom, potrebno bi bilo izgraditi prelaz preko Neretve i praktično spojiti dvije industrijske zone.

Ramiz Zahirović upozorava na postojanje dalekovoda na ovom lokalitetu, potencijalna industrijska zona Donja Jablanica čini mu se dosta utopistička. Po njegovom mišljenju najrealnija i njeekonomičnija priča jeste industrijska zona Jarišta.

Amil Babić ističe da je bitno je da se poslovna zona razvija i predlaže da se pristupi izradi regulacionog plana Donja Jablanica s obzirom da je postoji studija predizvodivosti „Izgradnja fabrike na izvorištu Komadinovo vrelo“

Ramiz Zahirović je predložio da se sagleda mogućnost izgradnje poslovne zone Mirke s obzirom na obavezu čišćenja korita rijeke Neretve od strane JP Elektroprivreda BiH dd Sarajevo i mogućnost „stvaranja novih kvadrata“.

Načelnik smatra da bi ideje oko regulacionog plana trebale doći od Udruženja privrednika i moli da u što kraćem vremenskom periodu naprave svoje prijedloge vezano z izradnu novog regulacionog plana poslovnih zona.

Dženan Mulahasanović predlaže da se razmoti i mogućnost izgradnje poslovne zone na lokalitetu Bokulja s obzirom da na tom lokalitetu već postoji izgrađena potrebna infrastruktura.

*Zaključak:* Potrebno da Upravni odbor Udruženja privrednika Jablanica razmotri ponuđene mogućnosti i predloži privrednu zonu za izradu regulacionog plana.

### Ad. 3. Lokalni akcioni plan zapošljavanja u Općini Jablanica 2017-2020 – Rasprava

Općinski načelnik prisutne je upoznao da je dokument Lokalni akcioni plan zapošljavanja u Općini Jablanica 2017-2020 u nacrtu bio ponuđen Općinskom vijeću Jablanica. Da su na isti iznesene određene primjedbe, da su članovi Savjeta za zapošljavanje (jedan od izrađivača plana) ponudili odgovore, te da će za ponuđeni nacrt dokumenta biti otvorena javna rasprava.

*Zaključak:* proslijediti Udruženju privrednika Jablanica primjedbe iznesene od strane izabраних općinskiх zvaničnika i ponuđene odgovore od strane Savjeta za zapošljavanje u cilju sagledavanja istih i kvalitetnog uključivanja u postupak javne rasprave.

Ad. 4.a. Budžet Općine Jablanica za 2018. godinu – Nacrt

4.b. Operativni plan implementacije Integralne strategije razvoja općine Jablanica

Dženan Mulahasanović je istakao da je Budžet za 2018. godinu planiran u okvirima Budžet za 2017. godinu, te da isti ima određenu razvojnu komponentu. Operativni plan predstavlja prateći dokument u kome su izdvojeni projekti planirani u Integralnoj strategiji za period 2014-2018. godina.

Upoznao je prisutne da će ponuđeni dokumenti ići u javnu raspravu i zamolio predstavnike privatnog sektora da se aktivno uključe u postupku njihovog donošenja.

Nije bilo diskusije o ponuđenim dokumentima.

Zaključeno je da se Udruženje privrednika sagleda ponuđene dokumente i aktivno se uključi u proces javne rasprave o istim.

Ad. 5. Parafiskalne naknade – prijedlozi i preporuke za smanjenje ili ukidanje – fokus grupa

Na inicijativu Udruženja za poduzetništvo i posao LiNK Mostar održana je fokus grupa na temu: „Parafiskalne naknade-prijedlozi i preporuke za smanjenje ili ukidanje“.

Zaključeno je da je potrebno uvesti analizu postojećih parafiskalnih nameta u nadležnosti Općine, da će Općina Jablanica korigovati svoju Odluku o administrativnim taksama, te tražiti od viših nivoa vlasti da preispitaju namete koje donose prema općinama.

Dženan Mulahasanović, zamjenik predsjednika VZK-a zaključuje sjednicu u 16:00 sati.

Zapisnik vodila

Jasminka Omanović

Predsjednik VZK

Ragib Mehmedagić